

especes de iardinages dans ce iardin vniuersel? Cette grande diuersité te delectera-elle point? te profitera-elle point? N'auras-tu point aussi toute occasion d'admirer, voire adorer la hauteur, profondeur, largeur & longueur indicible de la providence Diuine? Ne cherche ailleurs ton passe-temps, arreste icy ta contemplation, toy notamment auquel Dieu a prodigalement eslargy l'intelligence de ses secrets es Plantes qui naissent sur la terre. Elles ne se retrouuent pas simplement sous nostre horizon: l'Orient, l'Occident, le Midy, le Septentrion les produisent abondamment. Mais la quatriesme consideration t'appelle en suyte, laquelle propose la methode tres-belle, & l'ordre singulier obserué en la deduction de cette Histoire. Tu n'y rencontreras pas moins d'admiration que de contentement, quand tu verras les Plantes nommees presque en toutes langues, les especes marquées autant que l'homme a peu pénétrer les miracles de Nature, les formes declarees, qui donnent essence à la chose, les lieux indiquez pour la plus-part où elles naissent, le temps assigné pour les cultiuer, cueillir, le temperament descouuert, la vertu & faculté demonstree, voire les Escriptuains citez tant anciens que modernes, lesquels ont escript de toutes ces choses ou en gros ou en detail. Que si tu demandes leurs vertus, tu les trouueras au commencement du second Tome, methodiquement appropriées à toutes les parties du Corps humain, desquelles tu te pourras seruir aux vrgentes necessitez où ta debile nature te porte iournellement. Use de ces doux fruiets sans en abuser, & recours au docte Medecin en ce que tu ignoreras, suiuant ce que Salomon dit: Honore le Medecin pour a necessité: car le Seigneur l'a créé. Toute medecine est de Dieu, & recevra don au Roy. La discipline du Medecin exaltera son chef, & fera loüé en la presence des Grands. Le Souuerain a créé la medecine de la terre, & l'homme prudent ne la daignera point. C'est de leur science, travail & labour que tu remporteras les effets respondans aux causes. Comme aussi de leurs adjoinctz les Pharmaciens, experts cuisiniers pour appareiller les potions, & faire toutes extractions necessaires à la santé de l'homme. Conformément aux parols du mesme Salomon: Et l'Apothicaire fera des mixtions de douceur, des vnctions de sauté, & ne seront pas acheuees ses ceuures: car la paix de Dieu est sur la face de la terre. Adieu.

Ecclef. 38. 1.  
Noj. & 4.

Ibid. vers. 8.

## SOMMAIRES DES NEVF LIVRES CONTENVS AV premier Tome de l'Histoire generale des Plantes.

### LIVRE PREMIER.

Description & pourtraicts de tous les Arbres qui croissent aux forests sans estre plantez. fol. 1

### LIVRE SECOND.

Description & pourtraicts de tous les Arbrisseaux qui croissent de leur bon gré parmy les hayes, & buissons 99

### LIVRE TROISIEMESME.

Description & pourtraicts des Arbres qui croissent dans les Vergers. 241

### LIVRE QVATRIESME.

Description & pourtraicts des Bleds, & Legumes, & autres Herbes croissans peste mesle avec les Bleds: parmy les champs labouréz. 312

### LIVRE CINQVIEMESME.

Description & pourtraicts des Herbes potageres, & autres qui croissent dans les Iardins. 436

### LIVRE SIXIEMESME.

Description & pourtraicts des Plantes qui portent des ombelles. 589

### LIVRE SEPTIEMESME.

Description & pourtraicts des Plantes qui sont recommandees à raison de leurs belles fleurs. 684

### LIVRE HVICTIEMESME.

Description & pourtraicts des Plantes odorantes, qui seruent à faire des chapeaux & bouquets. 763

### LIVRE NEVFVIEMESME.

Description & pourtraicts naturels de toutes les Plantes qui viennent es lieux marcescenseux. 858

LIVRE